



民国續修藍田縣志(二)



牛郝
兆兆
濂先
纂修

續修藍田縣志卷六

土地志

舊志云志地而詳山川古蹟戶口物產者自班孟堅始歷代史法皆因之予摯虞之畿輔經李吉甫之元和志樂史之寰宇記爲地理專家而城郭道路橋梁陵墓無不羅載所以辨陰陽之會布物土之宜使數百年興廢之迹一覽瞭如固不厭其詳也藍田爲關中名區景物見於載籍者甚確彙而著之俾地理家有所取證曰土地志者本朱育會稽土地記名也今志山川備述舊文使考古者得所据以資瀏覽而別以詢訪歷勘所得足以證誤而補遺者統爲之圖冠之卷首庶閱者歷覽古今兩無遺憾云

位置

藍田在陝西省會東南終南橫嶺之間縣城當西經

以北京計

七度八分北緯三十四度三分三十秒

形勢

東南皆山北爲橫嶺西爲高原霸水貫其中秦楚之要衝三輔之屏障也通志稱南面七盤北背繡嶺玉山左峙霸水右環

幅員

南北最長處相距一百二十二里東西最闊處相距一百零四里
以直線計全縣面積共四千六百餘方里

疆界

東至北花岔之古廟灘一百五十里與雒南毗連自界牌至雒南縣治九十里

西至枸柳川之庫峪河心四十里與長安接壤自界牌至長安縣治五十里

南至大沙窩南之蕭家溝二百一十里與鎮安連界自界牌至鎮安縣治一百一十里

北至崇家溝北之黃家樓四十五里與臨潼接壤自界牌至臨潼縣治二十五里

東南至新店東之大鉄岩八十五里與商縣毗連自界牌至商縣治一百一十里

東北至墩子鎮五十里與渭南接壤自界牌至渭南縣治七十里

西南至曹家坪西之突溝一百八十里與柞水連界自界牌至柞水縣治一百二十里

西北至新街鎮西沙河四十五里與長安接壤自界牌至長安縣治三十五里

山脈

藍田境內東南諸山及西北各嶺原皆係終南山支脈其正幹稱秦嶺在縣南日三十里○史記秦嶺天

下之大阻○漢書班固傳註秦嶺在藍田縣東南○三秦記秦嶺東起商藍西盡汧隴東西八百里○玉海秦嶺北爲秦山南爲漢水周六百二十里○括地志終南山一名中南山一名太一山一名周南山一名橘山一名楚山一名秦山一名地肺山○長安志終南山在縣南七十里○通志終南山脊爲秦嶺江河水由此分○舊志○秦嶺就在縣界者言之東西凡一百七十里

謹按秦嶺西自長安柞水交界入縣境東至商縣出境橫亘若帶東西長約百餘里其支脈北行有四支在庫谷湯谷間者爲石門山爲風涼原在岱谷輞谷間者爲紫雲山雲臺山風雩山赤盤嶺尤風嶺天馬山白鹿原在輞源東西採峪間者爲響鼓山五峯山在輞谷藍谷間者爲迷魂嶺黃沙嶺金山桓公堆嶢嶺東南行於林岔河金井河間者爲大頂山鷄冠嶺紫龍山寶東山馬鞍嶺更東經商縣境折而東北復入縣境環繞縣東界其支脈西行又有四支在藍谷劉谷間者爲天平山藍田山王順山在劉谷倒回谷間者爲獅子山三峯山在倒回谷傾谷間者爲將軍帽天明山高尖山在傾谷北藍渭交界者爲月圓山倒虎山及境內橫嶺茲將各山嶺原分述於左

石門嶺 在縣西南五十里長約二十餘里界於長藍之間西爲庫峪東爲湯峪其南部有東峽嶺西峽嶺諸名最高處高出縣城一千七百餘公尺北有天池地窪諸名稱宋長安志稱石門山

風涼原 一名八里原在縣西南四十里○長安志風涼原在縣西南四十五里南接石門山北入萬年界○遁甲開山圖曰驪山之西川有阜名曰風涼原亦雍州之福地

按原南接石門嶺縱長二十里橫寬五里高出縣城一百公尺至一百五十公尺不等北入長安界

紫雲山 在縣南九十里為秦嶺之脈北出於湯採二嶺間者高出縣城一千六百公尺危峯突峙上有鐵瓦殿冠覆峯端故亦稱鐵冠山

雲臺山 一名月牙山 有峯似月牙因以名山 在縣南五十里南接紫雲山脈高出縣城一千六百三十公尺岱頂為

三教堂歲六月望為會期與縣城相對嵐光遠映宛若畫屏東部稱鋸齒山

赤盤嶺 一名吟龍山在縣南六十里南接馬池山長二十餘里高出縣城八百公尺北為天井其西石板坡有飛瀑高五丈

風雩山 在縣南六十里其西南接紫雲山脈在岱峪採峪間高出縣城千四百公尺其西峯孤峙若塔峯端戴寺為遊覽勝地其東北為馬池山更北為赤盤嶺西北為黃土嶺

尤風嶺 在縣南三十里長約十五里南部稱黃土嶺接風雩山脈界於岱峪見底河二峪間其最高處稱岳伏嘴詳浮雲山北部稱長梁其端有阜突起俗名將帥塔即漢長水校尉屯兵之處均高出縣

城二百五十至三百五十公尺不等相傳黃帝臣風后滅蚩尤於此通志稱蚩尤嶺

浮雲山 一名岳伏嘴在縣南四十里南接黃土嶺在岱峪及見底河間高出縣城五百公尺爲尤風嶺之最高處上有白雲宮與縣子午相對

白鹿原 在縣西五里○魏書地形志藍田縣有白鹿原○太平寰宇記平王東遷之後有白鹿遊此原以是名○「長安志」白鹿原在縣西五里其原接南山西北入萬年界○元和志白鹿原在縣西六里○雍錄白鹿原者南山之麓東西二十五里南北四十里

謹按原位灑灘二川間南北寬二十里東西長約五十里高出縣城二百至二百五十公尺不等西北入長安界稱灑上東南接尤風嶺之將帥圪塔中爲長水在水北者稱北原在水南者稱南原

天馬山 一名金山一名賁山在縣南十里○長安志金山在縣南一十里金山神廟在縣南十里鞏峪口金山之前舊圖經曰黃帝時風后滅蚩尤之衆於此蓋風后之祠○通志賁山在縣南十里其下卽鞏川口漢高祖引兵踰賁山擊秦軍卽此

謹按是山南接尤風嶺有東西兩峯高出縣城二百八十七公尺明萬曆中於上建祝國寺清順治十年建塔於中央與縣城對俗稱祝國寺山

響鼓山 在縣南一百一十里爲秦嶺支脈北出於東西採峪間者高出縣城一千四百五十公尺山巔爲草坪環山漆櫟茂密相傳昔時此山長作鼓響聲故名

五鳳山 在縣南五十里南接響鼓山高出縣城一千四百公尺孤峯突起上有禪師廟爲東西採峪名山

白雲山 在縣東南一百三十里一稱太白頂爲秦嶺支脈北出於彌陀河梨園溝間者山巔爲白雲寺高出縣城一千二百餘公尺

大頂山 在縣東南一百四十五里有東西大頂之稱爲秦嶺支脈之南出於林岔河金井河上游者東大頂東連鷄冠嶺高出縣城一千六百二十五公尺西大頂峯名九華山高出縣城一千六百六十餘公尺西入柞水界二山間有凹稱黃土嶺

鷄冠嶺 在縣南百五十里西北接大頂山脈東連紫龍山長十餘里北爲乳水上源南爲金井河之源高出縣城一千二百公尺至千三百五十公尺

紫龍山 在縣東南一百五十里西接鷄冠嶺東接商屬秦王山中棗花茂密高出縣城一千三百二十公尺

馬鞍嶺 在縣南百七十里東北接紫龍山南連抱犢山長十里高出縣城千二百公尺至于三百五十公尺不等西爲大陽溝南爲大沙窩西爲南兩河水皆係金井河支流

寶東山 俗稱炮筒山在縣東南一百七十里西北接馬鞍嶺東臨大陽溝西南臨大沙窩高出縣城一千四百公尺上有祖師廟爲本縣嶺南名山

好漢嶺 一稱迷魂臺在縣東南百二十里南接秦嶺北接湧山高出縣城千三百公尺

湧山 在縣東南一百里東南接好漢嶺西北接黃沙嶺北爲窄峪南爲石泉溝西爲湧山溝東爲關南溝高出縣城一千三百五十公尺山陽有洞數處相傳古代曾開銀鑛於此

蟠龍山 亦稱黃沙嶺在縣東南五十里高出縣城一千二百五十公尺西北爲成仙嶺

全山 一名泉山或作椽山在縣南五十里黃沙嶺西○通志全山在縣南五十里峭拔天表樹木森蔚按山峯高出縣城九百五十公尺西北稱太白山更西爲飛雲山山陽有鹿苑寺母塔墳爲王維故墅桓公堆 一名愁思塢一名韓公堆一名成仙嶺或稱程天嶺在縣東南四十里○長安志桓公堆在

縣南二十五里晉書桓溫征關中苻健遣子生弟雄等屯曉柳愁思塢以拒溫後因名桓公堆○唐書長孫全緒北出藍田至韓公堆○白居易詩朝經韓公堆夕次藍橋水又詩韓公堆北澗西頭冷雨涼

風拂面秋○李商隱詩韓公堆上拔馬時迴望秦川樹如薺○通志秋思壩卽桓公堆蓋以桓溫而名後乃訛桓而爲韓耳

謹按山南接蟠龍山脈在藍水輞水東川間長十餘里高出縣城千三百公尺山係火成巖中空多洞其著名者東有碧天洞西有錫水洞唐韓湘修道於此其遺跡甚多故有成仙嶺韓公堆諸稱其東北爲藍關絳坡卽昌黎被貶路經藍橋遇韓湘處

青泥嶺 一稱嶢嶺在縣南二十里東至悟真谷西至輞谷統稱青泥嶺其東峯稱嶢山中都稱七盤山北有虎頭山清靈山南有照壁山西都稱薛家山秦楚大道行經其上有七盤坡亂石岔鷄頭關風門六郎關大小絳坡關諸要隘

嶢山 一名盧山在縣東南 十里○漢書注山在上洛北藍田南武關之西○雍錄嶢山又名青泥嶺故水經注曰嶢柳城俗謂之青泥城○長安志嶢山在縣南二十里○通志嶢關蓋因此山而名亦謂之青泥嶺

謹按山爲嶢嶺東部之主峯高出縣城一千一百三十七公尺南隔絳坡關與成仙嶺相接西南爲輞川東臨悟真谷其東北峯稱大谷嘴再北稱尖山下臨悟真谷古悟真寺在焉

七盤山 在縣東南二十里○明雍勝峇七盤山在縣南十里縉坡卽其近地○長安志七盤山在縣南二十里○唐書地理志貞元七年刺史李西華自藍田至內鄉開新道七百餘里回山取途人不病涉謂之偏路○杜佑通典七盤十二縉藍田之險路

謹按山爲青泚嶺之中部北有七盤坡爲秦楚大路必經處故名山有風門關蒿坪亂石岔鷄頭關諸要隘其東有虎頭清靈等名山

天平山 在縣東九十里爲秦嶺支脈四出於藍谷劉谷間者東南秦嶺西北接藍田山諸峯羅列均高出縣城一千三百餘公尺其東爲鳳凰山入商縣界

藍田山 一名覆車山一名玉山一名平頂山在縣東南三十里○『漢書地理志』藍田山出美玉○范子計然曰玉英出藍田山一名覆車山○晉郭緣生征述記藍田山形如覆車又名覆車山○『後魏風土記』藍田山巔方二里仙聖遊集之所○『括地志』藍田山三皇所居『元和郡縣志』藍田山在縣東二十八里○『古今刀劍錄』昭帝始元元年於藍田覆車山鑄一鼎高三尺受五斗○『唐杜甫詩』藍水遠從千澗落玉山高並兩峯寒○『冊府元龜』唐武德元年藍田玉山南嶺有樹連理○『唐書五行志』開元十七年四月大風震電藍田山摧百餘步○『路史』女媧谷一名玉山○『唐書地

理志』藍田有覆車山○『宋長安志』藍田山在縣東南二十里○『金史地理志』縣有藍田山○『雍勝畧』藍田山在縣東南二十里一名玉山○『明史地理志』縣東南有藍田山有關○『通志』山有唐公王洞青葱綺麗俗傳唐時公主好道關此居之又山下有玉漿井深丈餘本無水有疾者虔禱之懸瓶井中即得水色白味甘如玉漿飲之輒愈

謹按是山頂平坦爲數頃荒坪故俗名平頂山似覆車故又名覆車山高出縣城一千七百七十餘公尺其東兩峯聳峙白石壁立透出雲表俗名白石崖高出縣城一千八百二十公尺爲全境第一高峯是山古代產玉且寺觀林立遊人接踵爲關中名山之一隋唐後玉被掘盡開元時又遭摧崩遂爲荒

山竊思玉山既爲境內名山必爲最高者且有東峯如白壁擎天爰定名爲玉山作玉山考附後

王順山 在縣東南二十五里○長安志在縣東南二十里○舊圖經曰昔道人王順隱此山得道

謹按山東接覆車山脈西臨悟真谷南爲藍橋驛高峯薛嶽林木森蔚岱頂稱玉皇坪有廟圯有黃龍洞湫爲鄉民祈雨處高出縣城一千七百二十公尺若雲覆山頂必降雨故土人有王順山戴帽夥計睡覺之諺其北有寶泉寺名刹也爲邑人遊覽勝地民七年寺燬於兵燹竹木爲槍夫刊伐殆盡

三峯山 一名阜兒山一名鳳兒山俗名歪嘴崖在縣東六十里○長安志阜兒山在縣東六十里鄉俗

所傳常有一禽止此山衆禽隨之疑爲鳳也因名鳳兒山語訛作阜兒山

謹按山爲秦嶺支脈之北出於劉峪倒回谷間者高出縣城九百公尺迴峯突峙亦遊覽勝地

獅子山 在縣東百三十里爲秦嶺幹脈之突起高出縣城一千四百餘公尺

龍峯山 在縣東百三十里爲秦嶺幹脈之高出於灃洛二源間者南爲縣屬之麻家川西北爲渭南屬東北爲雒南屬洛水出焉西南稱龍尾坡其下卽灃龍廟鎮山陽有九子洞山峯高出縣城一千五百四十公尺

月圓山 在縣東北八十里東接箭峪嶺西接元象山高出縣城一千四百公尺北爲渭南屬南爲縣屬輕峪川爲縣東北最高之山

天明山 在縣東七十里一名閔家山俗稱三齒樓爲秦嶺支脈之西出於輕峪倒回谷間高出縣城一千三百三十公尺諸峯嵯峨上有天明寺其東有臺稱將軍帽其西北爲姜家山其西有高巖山高出縣城一千二百一十公尺

元象山 一名倒虎山一名瓦鑿山在縣東北六十里○太平寰宇記倒虎山一名元象山在覆車山北○元和志倒獸山一名元象山○長安志倒虎山一名元象山苻堅時王子年始隱於東陽谷後避石

季龍之亂徙於此○通志元象山卽倒虎山一作側在縣東接滑南界

謹按山東接月圓山西連橫嶺高出縣城一千三百公尺西有朝陽河北入滑南界有石鼓山爲山中勝地

金山 在縣東北三十六里○水經注麗戎之山一名藍田其陰多金其陽多玉○通志金山在縣東北三十里昔風后逐蚩尤有功後世封爲金山之神土人立祠焉○宋長安志金山在縣南一十里輞谷口

按橫嶺東接倒虎山西北接驪山中部高處有玉女塚塚東北有土阜名南屹塔卽金山也高出縣城五百公尺山東北爲金山鎮金山神廟在焉水經注謂驪山陰多金蓋指此也宋金山卽今之天馬山也詳天馬山條

橫嶺 在縣東北三十里○長安志橫嶺在縣北三十五里目臨潼驪山東入縣界橫接華州界○通志嶺下有水名橫河○雍勝客戲水出藍田北界橫嶺

謹按嶺東接元象山脈西北接驪山脈長橫五十餘里爲分水嶺高出縣城三百公尺至五百公尺中部有玉女塚塚之東平衍皆爲農田塚之西岡陵起伏磽瘠多荒且隨地異名在沙河源者稱古墓

嶺在紅河源者稱楊帽山已入驪山範圍東北爲零水戲河發源地西南爲灞水支流所出焉

阿福原 在縣北三十六里○通志在縣北四十里世傳爲太白神祖居今有太白祠又相近有下鴛原秦昭王冢在焉一云以當葬時執紼者名也

謹按原卽指阿氏莊嶺一帶

水道

縣境最大之水爲灞水東北南三面皆其流域次爲溼水縣西諸水皆其支流此外在秦嶺南者爲金井河流域在秦嶺東南者爲林岔河流域在橫嶺東北者零水流域茲分述於後

灞水 一名滋水在縣城南半里○漢書地理志灞水出藍田谷北入渭○水經注水出藍田縣藍田山西北有銅谷水次東有輕谷水二水合而西注之又西流合溼水又北歷藍田川經藍田縣又左合溼水歷白鹿原東古曰滋水秦穆公更名以顯霸功○隋書地理志藍田縣有滋水○唐書地理志關內道大川曰灞水○舊圖經源出縣東南秦嶺倒回谷西北流九十里出縣界入萬年縣蹇邨岸闊六十尺

謹按倒溝峪卽倒回谷又名石門谷在縣東五十里谷長八十里東爲秦嶺灞水出焉上游有東西二

源東源稱麻川源出縣東百五十里藍維交界之秦嶺幹脈北會松樹溝磨谷溝柳綫溝南會冷水岔
秦谷湘子岔諸水三十里至灞龍廟鎮西與北源合北源稱北川發源渭南箭峪嶺南會青岡槽鐵洞
溝北楊岔諸水十餘里與東源合而西流北會將軍岔黑石河胡家溝兩岔河南會大小南石門大小
南溝大小葫蘆岔諸水出倒回谷至徐家莊劉峪水來入焉至玉山村東南傾峪水亦入焉西流北會
稠水河安溝河南會覆車峪饒峪大峪等水經屏峯晉化諸鎮南又西流北會稻地溝東岳廟河至陳
家崖村藍水亦入焉至縣城附近東北會白馬谷南會輞谷水遂折而西北流白牛谷水注水十里河
華山溝等水入焉更西北流經洩湖鎮沙河漫道河華胥河紅河均入焉經新街鎮小沙河亦入焉至
毛家河灣入長安界在境內共長百七十里沿河灌地甚溥茲將其支流之大者詳述於左

劉谷水 一名泥水在縣東四十五里○長安志劉谷水一名泥水出縣東南劉谷○水經注水出藍田
山之東谷俗謂之劉谷西北與石谷水合

謹按水源出商藍交界之秦嶺西北流會後溝麻綫溝界牌溝磨扇溝鵝項溝石溝峪諸水長約五十
里西北流至徐家莊入灞

銅峪水 在縣東四十五里○水經注石門谷東有銅谷水合輕谷水西注泥水○長安志銅谷水出縣

東銅谷

按銅峪水源出天明山陰西南流約二十里至玉山村東入輕峪水

輕峪水 一名傾峪水在縣東五十里○長安志傾谷水自秦嶺出南流入灊

謹按水源出秦嶺西流會南孤莊赤脚河秦岔岱北岔纏岱岔北峪水出輕峪口折而西南流會小輕峪水至玉山村東會銅谷水入灊長約五十里

稠水河 在縣東三十五里源出垓子鎮南西流會姜劉溝南流至玉山村西入灊長約十五里

覆車谷水 俗稱覆朝峪在縣東三十里源出覆車山東北西北流十五里至藍田門寨東入灊

晒峪水 在縣東三十里源出覆車山陰北流十五里至藍門寨西入灊

大峪水 在縣東二十里源出王順山陰西北流十五里至蔡家灣入灊

安溝水 在縣東二十里源出橫嶺陽南流十餘里至梁家斜入灊

藍水 一名清河在縣東南十二里○長安志藍谷水南自秦嶺西流經藍關藍橋過王順山下水出藍谷西北流入灊水○雍勝畧杜詩藍水遠從千澗落卽此○通志藍水經悟真寺一名清河

謹按藍水發源於商屬秦嶺正源稱關南溝北流會牧護關附近諸溝水折而西流至大鐵崖入境更